

საქართველოს რესპუბლიკის ვერცხელი

ქვეყნის
1921 წლის

შაბათი
29
დეკემბერი
№ 147 (11633)
1990

საქართველოს საგარეო ურთიერთობების მინისტრის განცხადებით

ფასი 8 კაპ.

საქართველოს რესპუბლიკის უზენაესი საბჭოს სესია

27 დეკემბერს გაიმართა საქართველოს რესპუბლიკის პირველი მოწვევის უზენაესი საბჭოს პირველი სესიის მორიგი სხდომა, რომელიც გახსნა უზენაესი საბჭოს თავმჯდომარე ბატონმა ზვიად გამსახურდიამ.

დებუტატებმა პატივი მიაგეს საავტომობილო კატასტროფაში დაღუპული რესპუბლიკის უზენაესი საბჭოს დეპუტატის გუგულა ჯაფარიძის ხსოვნას.

შემდეგ სესია შეუდგა დღის წესრიგში შეტანილი საკითხების განხილვას.

საქართველოს რესპუბლიკის უზენაესი საბჭოს კანონმდებლობისა და კანონიერების დაცვის მუდმივი კომისიის თავმჯდომარე, დეპუტატი ნუგზარ მოლოდინაშვილმა დამსწრეთ გააცნო ამისთვის შესახებ საქართველოს რესპუბლიკის კანონში ცვლილებათა შეტანის თაობაზე კანონის პროექტი, რომელიც მიიღეს.

1991 წლისათვის საქართველოს რესპუბლიკის ეკონომიკური და სოციალური განვითარების პროგრამის შესახებ მოხსენება გააკეთა საქართველოს რესპუბლიკის მინისტრთა საბჭოს თავმჯდომარის მოადგილემ, რესპუბლიკის სახელმწიფო საგარეო კომიტეტის თავმჯდომარემ ომარ ვარძელაშვილმა.

ამ საკითხის განხილვაში მონაწილეობდნენ დეპუტატები ავთანდილ იმნაძე, ნოდარ ნათაძე, ნუგზარ მგალობლიშვილი, გურამ ქაშაიაშვილი და სხვები.

მოხსენება საქართველოს რესპუბლიკის 1991 წლის სახელმწიფო ბიუჯეტისა და რესპუბლიკის 1989 წლის სახელმწიფო ბიუჯეტის შესრულების შესახებ ანგარიშის დამტკიცების თაობაზე გააკეთა საქართველოს რესპუბლიკის ფინანსთა მინისტრმა გურამ აბასაძემ.

ამ საკითხის გამო გამართულ კამათში გამოვიდნენ დეპუტატები მია მჭავარიანი, გურამ პეტრიაშვილი, ანზორ საკანდელიძე, ლევარდ ტუხაშვილი, რამაზ ხურჩანიძე და სხვები.

დასკვნა ამ საკითხზე გააკეთა საქართველოს რესპუბლიკის უზენაესი საბჭოს მუდმივი საფინანსო-საბიუჯეტო კომისიის თავმჯდომარემ, დეპუტატმა ტარიელ გელანტიამ, რის შემდეგაც გაჩაღდა საკმაოდ ცხარე აზრთა გაზიარება, რომელშიც მონაწილეობდნენ დეპუტატები ბაკურ გულუა, რომან გაცირიძე, გივი თაქთაქიშვილი, ველა ჩორგოლაშვილი, ნოდარ ნათაძე, ირინე ტალიაშვილი, პაატა კოლაშვილი, მინდია საღულეძე, საქართველოს რესპუბლიკის სახელმწიფო საგარეო კომიტეტის თავმჯდომარე ომარ ვარძელაშვილი, სა-

ქართველოს რესპუბლიკის მინისტრთა საბჭოს თავმჯდომარე თენგიზ ხიფია და სხვები.

სესიამ მიიღო დადგენილება 1991 წლისათვის საქართველოს რესპუბლიკის ეკონომიკური და სოციალური განვითარების პროგრამის შესახებ. იღებენ კანონს საქართველოს რესპუბლიკის 1991 წლის სახელმწიფო ბიუჯეტის შესახებ, დადგენილებას რესპუბლიკის 1989 წლის სახელმწიფო ბიუჯეტის შესრულების შესახებ ანგარიშის დამტკიცების თაობაზე.

დეპუტატებმა განიხილეს საქართველოს რესპუბლიკის უზენაესი საბჭოს წევრის სტატუსის საკითხი, რომლის გამო კანონის პროექტი წარმოადგინა დეპუტატმა დავით კუპრიაშვილმა. კამათში გამოვიდნენ დეპუტატები თეიმურაზ ქორიძე, დავით ბერძენიშვილი, თედო პაატაშვილი, ზაზა კახიანი, ლევან აღუქსიძე, ავთანდილ საყვარელიძე, ნიკოლოზ ბაქაშვილი, თედო ნინიძე, ნუგზარ მოლოდინაშვილი და სხვები.

სესიამ მიიღო საქართველოს რესპუბლიკის უზენაესი საბჭოს წევრის სტატუსის კანონი.

საქართველოს რესპუბლიკის უზენაესი საბჭოს მუდმივი კომისიების დროებითი დებულების საკითხზე გამოვიდა დეპუტატი ვიორგი გულბანი.

უზენაესი საბჭომ მიიღო შესაბამისი კანონი. რეფერენდუმის კანონის თაობაზე გამოვიდა საქართველოს რესპუბლიკის ოლქციის მინისტრი ჯონი ნეცურიაძე.

სესიამ მიიღო დადგენილება რეფერენდუმის კანონპროექტის პუბლიკაციის თაობაზე მისი საყოველთაო-სახალხო განხილვისათვის. დეპუტატებმა განიხილეს საქართველოს რესპუბლიკაში მოსამართლის სტატუსის საკითხი და მიიღეს დადგენილება შესაბამისი კანონის სამომავლოდ შემოღების თაობაზე. მიღებულია საქართველოს რესპუბლიკაში სასამართლო წყობილების კანონი.

სესიამ საქართველოს რესპუბლიკის უზენაესი სასამართლოს თავმჯდომარედ აირჩია დეპუტატი მინდია უგრეხელიძე, მის პირველ მოადგილედ — დეპუტატი ვაჟა აბაკელია.

საქართველოს რესპუბლიკის გენერალურ პროკურორად უზენაესი საბჭომ დანიშნა ვახტანგ რაშჩაძე.

28 დეკემბერს სესია მუშაობას განაგრძობდა.

სს „საქართველო“


საქართველოს

რესპუბლიკის

უზენაესი საბჭოს

აირჩია

მინდია
გურამის ძე
უგრეხელიძე



საქართველოს
რესპუბლიკის
უზენაესი სასამართლოს
თავმჯდომარედ


საქართველოს

რესპუბლიკის

უზენაესი საბჭოს

დანიშნა

ვახტანგ
აკოლონის ძე
რაშჩაძე



საქართველოს
რესპუბლიკის
გენერალურ
პროკურორად

საქართველოს რესპუბლიკის უზენაესი საბჭოს

ჩრდილოეთ ოსეთის ავტონომიური საბჭოთა სოციალისტური რესპუბლიკის უზენაესი საბჭოს პრეზიდიუმის მტკიცე პროტესტის გამოთქვამს, იმის გამო, რომ საქართველოს რესპუბლიკის უზენაესი საბჭომ 1990 წლის 11 დეკემბერს კანონისა და დეკლარაციის საფუძველზე გააუქმა სამხრეთ ოსეთის ავტონომიური ოლქი, რომელიც 1922 წელს შეიქმნა პარლამენტის დონეზე განხორციელებული უპრეცედენტო აქტი — შეიღობა მცირერიცხოვანი ხალხის უფლებების, სახაროდ უგულვებელყოფილია სამხრეთ ოსეთის შრომელთა ინტერესები და მისწრაფებანი.

ეს გადაწყვეტილება ვერ ეფუძნება ქართველი ერის უმდიდრეს პუმიანისტურ ტრადიციებს, თქვენს ალტკემებს იმის თაობაზე, რომ დემოკრატიული პრინციპების ერთგულნი ხართ და პატივს ერით სხვა ხალხთა უფლებებს. შეუძლებელია ქვეყნისათვის თავისუფლების მოპოვება სხვა ხალხების უფლებათა უფლებებთან ხელყოფით. ქართველი და ოსი ხალხების ისტორიული, კულტურული და მემკვიდრული ერთიანობა საუკუნეობით ყალიბდებოდა. ამ კავშირითი ერთობის გაწყვეტის ყოველგვარი ცდების, დამლუპველი, ტრაგიკული შედეგები სავსებით თვალსაჩინოა.

იმედ გვაქვს, რომ საქართველოს რესპუბლიკის უზენაესი საბჭო პოლიტიკურ სიბრძნეს გამო-

იჩენს და გააუქმებს მიღებულ გადაწყვეტილებას. ამ ისტორიულ ნაბიჯს ღირსეულად დაფასებენ ჩვენი ხალხები.

ჩრდილოეთ ოსეთის ახს რესპუბლიკის უზენაესი საბჭოს თავმჯდომარე ა. ბალანოვი. 1990 წლის 14 დეკემბერი.

ჩრდილოეთ ოსეთის ავტონომიური საბჭოთა სოციალისტური რესპუბლიკის უზენაესი საბჭოს პრეზიდიუმს

სამხრეთ ოსეთის ავტონომიური ოლქის გაუქმების შესახებ საქართველოს რესპუბლიკის უზენაესი საბჭოს 1990 წლის 11 დეკემბრის დადგენილების გამო თქვენი პროტესტის პასუხად საჭიროდ ვთვლი განვაცხადო:

1. საქართველოს რესპუბლიკის უზენაესი საბჭოს გადაწყვეტილება კანონიერია როგორც მორალურ-პოლიტიკური თვალსაზრისით, ასევე იურიდიული საფუძვლების მიხედვითაც, რაც აინიშნული იყო საქართველოს რესპუბლიკის უზენაესი საბჭოს სესიის ჩემს მოხსენებაში, რომელიც გამოქვეყნდა გაზეთ „ზარია ვოსტოკას“ ამა წლის 14 დეკემბრის ნომერში.

2. მიუხედავად იმისა, რომ სამხრეთ ოსეთის ავტონომიური ოლქის შექმნის შესახებ გადაწყვეტილება ეწინააღმდეგება იმ დროსაც კი საყოველთაოდ აღიარებულ სამართლებრივ ნორმებს,

რომლებიც არ ცნობდნენ ეროვნულ უმცირესობათა მიერ პოლიტიკური ავტონომიის შექმნის უფლებას, სამხრეთ ოსეთის ავტონომიური ოლქი ხელოვნურად შეიქმნა და თანაც ოდინდელ ქართულ ტერიტორიაზე, ქართველებთან დასახლებული სოფლებისა და ქალაქ ცხინვალის ოლქის საზღვრებში მოქცევის გზით, რითაც დაირღვა შიდა ქართლის რეგიონის ერთდგობითი მკვიდრი მოსახლეობის უფლებები.

3. თქვენს ყურადღებას მივამყობ იმ ფაქტს, რომ სამხრეთ ოსეთის ავტონომიური ოლქის შექმნის არამართლმომიერების მიუხედავად, ოსი მოსახლეობის უფლებები არათუ ილახებოდა, არამედ, პირიქით, მას სრული შესაძლებლობა მიეცა იმისა, რომ მაქსიმალურად განვითარებინა ეროვნული კულტურა, ეკონომიკა, პოლიტიკური თვითმმართველობა ხელისუფლების ადგილობრივი ორგანოების დონეზე, რასაც ვერ ვიტყვი ჩრდილოეთი ოსეთის ავტონომიური საბჭოთა სოციალისტური რესპუბლიკის ოსი მოსახლეობის მდგომარეობის შესახებ.

4. მიუხედავად ყველა ამ უპირატესობისა, რომლებიც მათ ოლქის ქართველი მოსახლეობის უფლებათა აშკარა შელახვის ფონზე მოიპოვეს, სეპარატისტთა ჯგუფმა უკვე კარგა ხანია აიღო კურსი ამ რეგიონში ფაქტობრივად დამოუკიდებელი რესპუბლიკის შექმნისა, რამაც ასახვა პოვა „სუვერენული რესპუბლიკის“ გამოცხადებელი საოლქო საბჭოს მთელ

რივ გადაწყვეტილებებში, აგრეთვე მოცემული რესპუბლიკის ე. წ. უზენაესი საბჭოს არჩევნების ჩატარებაში.

ოლქის ხელმძღვანელობამ უგულვებელყო საქართველოს რესპუბლიკის უზენაესი საბჭოს არაერთი მითითება ამ აქტების არაკონსტიტუციურობის შესახებ, რის გამოც აუცილებელი გახდა გადაწყვეტი ზომების მიღება საქართველოს რესპუბლიკის ტერიტორიული მთლიანობის შესანარჩუნებლად და ამით ისტორიული სამართლიანობის აღსადგენად.

და ბოლოს, საჭიროდ ვთვლი ყურადღება გაგიმხვილოთ თქვენი პროტესტის დაუშვებელ ტონზე, უხეშად რომ ამხინჯებს შექმნილ ვითარებაში საქმის ფაქტობრივ მხარეს. ყოველივე ეს თქვენი მხრიდან უხეშად ჩარევა ჩვენი რესპუბლიკის საშინაო საქმეებში, რასაც შეიძლება ერთობ არასასურველი შედეგები მოჰყვეს, რომლებიც კიდევ უფრო გამოწვევებენ ისედაც დაძაბულ ვითარებას და გამოიწვევენ დაძაბულობის პროვოცირებას ჩვენს რესპუბლიკებს შორის. ასეთ შემთხვევაში მთელი პასუხისმგებლობა დაეკისრება ჩრდილოეთ ოსეთის ავტონომიური საბჭოთა სოციალისტური რესპუბლიკის ხელმძღვანელობას.

საქართველოს რესპუბლიკის უზენაესი საბჭოს თავმჯდომარე
ზ. გაბასაყრდია

